

四庫全書

子部

欽定四庫全書

冊府元龜卷九百七十八 宋 王欽若等 撰

外臣部

和親

戎狄之國世為邊患禮義不能革其貪干戈不能絕其類故上自虞夏商周固不程督雖有窮兵追擊而亦亡失略等所謂獸聚鳥散從之如搏景者也是以聖人用權變之道遠御不絕而已漢高始納奉春之計建和親

之議歲用絮繒酒食奉之非惟解兵息民亦欲漸而臣之為羈縻長久之策耳高后文帝至于宣元皆用是道故得呼韓朝於北闕之下及魏道武讀漢史至欲以魯元妻匈奴為之掩卷太息於是以諸女皆釐降于賓附之國此乃深識從權濟時之略焉易曰惟幾也故能成天下之務其是之謂乎

漢高帝罷平城歸韓王信亡入胡當是時冒頓單于兵彊控弦四十萬騎控引也謂背引弓也數苦北邊帝患之問奉春

君劉敬敬曰天下初定士卒罷於兵革

罷讀曰疲

未可以武

服也冒頓殺父代立妻群母以力為威未可以仁義說

也獨可以計久遠子孫為臣耳然陛下恐不能為帝曰

誠可何為不能顧為柰何

顧思念也

敬曰陛下誠能以適長

公主妻單于

適讀曰嫡謂皇后所生

厚奉遣之彼知漢女送厚蠻

夷必慕以為闕氏生子必為太子代單于何者貪漢重

幣陛下以歲時漢所餘彼所鮮數問遺

鮮少也問遺謂餉饋之也鮮音

息善

使辯士風諭以禮節

風讀曰諷

冒頓在固為子婿死外

孫為單于豈曾聞孫敢與大父亢禮哉可毋戰以漸臣

也若陛下不能遣長公主而令宗室及後宮詐稱公主

彼亦知不肯貴近無益也

近音其  
革反

帝曰善欲遣公主呂

后泣曰妾惟以一太子一女

言唯以  
屯自慰

柰何棄之匈奴帝

竟不能遣長公主而取家人子為公主妻單于

於外庶  
人之家

取女而名  
之為公主

使敬往結和親約

一云奉宗室女公  
主為單于閼氏

歲奉匈奴

絮繒酒食物各有數約為兄弟以和親冒頓乃少止

惠帝三年春以宗室女為公主嫁匈奴單于時冒頓寢

驕

寢漸也

乃為書使使道高后其辭悖慢高后善季布言

令大謁者張澤報書曰單于不忘敝邑賜之以書敝邑

恐懼退日自圖

圖謀也

年老氣衰髮齒墜落行步失度單

于過聽不足以自汙

過誤也

敝邑無罪宜在見赦竊有御

車二乘馬二駟以奉常駕冒頓得書復使使來謝曰未

嘗聞中國禮義陛下幸而赦之因獻馬遂和親文帝即

位復修和親

四年匈奴遺漢書曰天所立匈奴單于敬問皇帝無恙

前時皇帝言和親事稱書意合驩

稱副也言與所遺書意相副而共結驩親

漢邊吏侵侮右賢王不請

不請言不告也為三年右賢王入寇

聽後義盧

侯難支等計與漢吏相恨絕二主之約離昆弟之親皇

帝讓書再至發使以書報不來漢使不致

讓書有責讓之言也謂匈奴

奴再得漢書而發使將書以報漢畱其使不得來還而漢又更不發使至匈奴也

漢以其故不

和隣國不附今以少吏之敗約

少吏獨言小吏

故罰右賢王使

至西方求月氏擊之以天之福吏卒良馬力強以滅夷

月氏盡斬殺降下定之樓蘭烏孫呼揭其旁二十六國

皆已為匈奴諸引弓之民并為一家北州以定願寢兵  
休士養馬除前事復故約以安邊民以應古始使少者  
得成其長者得安其處世世平樂未得皇帝之志故  
使郎中係虜淺奉書請獻橐駝一騎馬二駕一駟皇帝  
卽不欲匈奴近塞則且詔吏民遠舍使者至卽遣之六  
月中來至新望之地漢界上塞下之地書至漢議擊與和親孰  
便公卿皆曰單于新破月氏乘勝不可擊也且得匈奴  
地澤鹵非可居也和親甚便漢許之

六年遣匈奴書曰皇帝敬問匈奴大單于無恙使係虜  
淺遺朕書云願寢兵休士除前事復故約以安邊民世  
世平樂朕甚嘉之此古聖之志漢與匈奴約為兄弟所  
以遺單于甚厚背約離兄弟之親者常在匈奴然右賢  
王事已在赦前勿深誅單于若稱書意明告諸吏使無  
負約有信敬如單于書使者言單于自將并國有功甚  
苦兵事服繡袷綺長襦錦袍各一  
服者天子自所服也  
繡者為表綺為裏也  
袷者充衣絮也繡袷綺  
衣以繡袷音工袷反  
比疎一  
辨髮之飾也以金為之  
比音頻寐反疎字或作

金黃  
黃金飾具帶一黃金犀毗一犀毗胡帶之鈎也繡十疋錦二

十疋赤緋綠繒各四十疋使中大夫意謁者令有遺單

于後頃之冒頓死子稽粥立稽音奚粥音育號曰老上單于老

上稽粥單于初立帝復遣宗人女公主為單于閼氏宗人

女亦諸侯王之女使宦者燕人中行說傳公主

十四年後匈奴歲入邊殺略人民漢甚患之及使使遺

匈奴書單于亦使當戶報謝復言和親事

後二年使使遺匈奴書曰皇帝敬問匈奴大單于無恙

恙音漾

使當戶且渠雕渠難郎中韓遼遺朕馬二疋已至

敬受

當戶且渠者一人為二官雕渠難者其姓名

先帝制長城以北引弓之

國受令單于長城以內寇帶之室朕亦制之使萬民耕

織射獵衣食父子毋離臣主相安俱無暴虐今聞漂惡

民貪降其趨

漂音先列反降下也謂下意於利也趨讀曰趣

背義絕約忘萬民

之命離兩主之驩然其事已在前矣書云二國已和親

兩主驩說

說讀曰悅

寢兵休卒養馬

寢息也

世世昌樂翕然更

始朕甚嘉之聖德日新改作更始使老者得息幼者得

長各保其首領而終其天年朕與單于俱繇此道

繇從也用

也順天恤民世世相傳施之無窮天下莫不咸嘉使漢

與匈奴鄰敵之國匈奴處北寒殺氣早降故詔吏遺單

于秫藁金帛絮它物歲有數今天下大安萬民熙熙獨

朕與單于為之父母朕追念前事薄物細故謀臣計失

皆不足以離昆弟之驩朕聞天不頗覆地不偏載朕與

單于皆捐細故俱蹈大道也墜壞前惡以圖長久使兩

國之民若一家子元元萬民下及魚鼈上及飛鳥跂行

喙息蠕動之類

跛行凡有足而行者也喙息凡以口出  
氣者蠕蠕動貌跛音歧喙音許蠕反蠕

充反莫不就安利避危殆故來者不止天之道也俱去前

事朕釋逃虜民

謂漢人逃入匈奴者令不追

單于毋言章尼等

背單于降

漢者朕聞古之帝王約分明而不食言

凡云食言者終為不信棄其前言如

食而盡

單于留志天下大安和親之後漢過不先

言更不負約

單于其察之單于既約和親於是制詔御史匈奴大單

于遺朕書和親已定亡人不足以益衆廣地匈奴無入

塞漢無出塞犯今約者殺之可以久和親後無咎俱便

朕已許其布告天下使明知之又詔曰朕旣不明不能

遠德使方外之國不寧息夫四荒之外不安其生

戎狄荒服

故曰四荒言其荒急去來無常也

封圻之內勤勞不處

圻亦畿字不處者不獲安居

二者之咎皆自本朕之德薄而不能達遠也間者累年

匈奴並暴邊境多殺吏民邊臣兵吏又不能諭其內志

以重吾不德

諭曉告也重音直用反

夫久結難連兵中外之國將

何以自寧今朕夙興夜寐勤勞天下憂苦萬民為之惻

惻不安

惻痛也惻恨也

未嘗一日忘於心故遣使者冠蓋相望

結轍於道

使車往返故轍如結也

以諭朕志於單于今單于反古

之道計社稷之安便萬民之利新與朕俱棄細過偕之

大道

偕亦俱也之往也趣也

結兄弟之義以全天下元元之民

元

善意也

和親以定始于今年

景帝元年四月遣御史大夫陶青至代下與匈奴和親

三年秋復與匈奴和親

五年夏遣公主嫁匈奴單于初帝既卽位趙王遂陰使

於匈奴會吳楚反欲與趙合謀入邊漢圍破趙匈奴亦

止自是後帝復與匈奴和親通關市給遺單于遣公主如故約終帝世時時小入盜邊無大寇

武帝卽位初明和親約束厚遇關市饒給之匈奴自單于以下皆親漢往來長城下帝令張騫使烏孫匈奴聞其與漢通怒欲擊之烏孫於是恐使使獻馬願得尙漢公主為昆弟天子問羣臣議計曰必先內聘然後遣女烏孫以馬千疋聘入聘財元封中遣江都王建女細為公主以妻焉賜乘輿服御物為備官屬官侍御數百人贈

送甚盛烏孫昆莫以為右夫人匈奴亦遣女妻昆莫以  
為左夫人公主至其國自治宮室居歲時一再與昆莫  
會置酒飲食以幣帛賜王左右貴人昆莫年老言語不  
通公主悲愁自為作歌曰吾家嫁我今天一方遠託異  
國兮烏孫王穹廬為室兮旃為牆以肉為食兮酪為漿  
食謂居嘗土思兮心內傷亡思而懷謂願為黃鵠兮歸  
食飲故鄉天子聞而憐之間歲遣使者持帷帳錦繡賂遺焉  
間歲者謂每隔一歲而往也昆莫年老欲使其孫岑陁尚公主

不聽上書言狀天子報曰從其國俗欲與烏孫共滅胡

岑陬尚江都公主生一女少夫

名少夫

公主死漢復以楚

王戊之孫解憂為公主妻岑陬岑陬且死以國與季父

大祿子翁歸靡後尚楚主解憂翁歸靡死岑陬子泥靡

代立號狂王復尚楚主解憂是時匈奴自馬邑軍後絕

和親數侵邊漢亦累出兵討破之伊穉斜單于用漢降

將趙信遣使好辭請和親帝下其議或言和親或言遂

臣之丞相長史任敞曰匈奴新困宜使為外臣朝請於

邊元鼎中烏維單于立數使使好辭甘言求和親復遣

楊信使匈奴謂單于曰卽欲和親以單于太子為質音質

至謂以物相與質當也於漢單于曰非故約漢常遣公主給繒絮

食物有品以和親品等差也今吾太子為質無幾矣無幾言當盡也

當武帝之世兵深入匈奴窮追二十餘年匈奴孕重墜

殞罷極苦之孕重懷任者男也極困也苦也墜落也殞之心厭苦也狐鹿姑單于

以下常有欲和親計後欲求和親會病死壺衍鞬單于

既立風謂漢使者言欲和親其臣衛律在時亦常言和

親之利匈奴不信及死後兵數困國益貧單于弟左谷  
蠡王思衛律言欲和親而恐漢不聽故不肯先言常使  
左右風漢風讀曰諷然其侵盜益希遇漢使愈厚欲以漸至  
和親漢亦羈縻之

宣帝時烏孫昆彌自將擊匈奴有功漢遣校尉常惠持  
金幣賜烏孫貴人有功者

元康二年烏孫昆彌因惠上書願以漢外孫元貴靡音美

為嗣得令復尚漢公主結婚重親畔絕匈奴願聘馬羸

各千疋詔下公卿議大鴻臚蕭望之以為烏孫絕域變

故難保不可許帝美烏孫新立大功又重絕故業

重難也故

業謂先與烏孫皆親也

遣使者至烏孫先迎取聘昆彌及太子左

右大將都尉皆遣凡三百餘人入漢地迎取少主廼以

烏孫主解憂弟相失為公主置官屬侍御百餘人舍上

林中學烏孫言

合也

天子自臨平樂觀會匈奴使者外國

君長大角抵設樂而遣之使長羅侯光祿大夫為副凡

持節者四人送少主至燉煌未出塞聞烏孫昆彌歸翁

靡死烏孫貴人共從本約立岑陬子深靡代為昆彌號  
狂王惠上書願留少主燉煌惠馳至烏孫責讓不立元  
貴靡為昆彌迎還少主天子用蕭望之議徵還少主

神爵二年匈奴單于遣名王奉獻賀正月始和親是時  
匈奴虛閭權渠單于旁塞獵欲入寇單于病罷兵去乃  
使題王都梨胡次等入漢請和親未報會單于死

元帝時呼韓邪單于自言願壻漢氏以自親帝以後宮  
良家子王嬙字昭君賜單于昭君南郡人時呼韓邪來

勅以宮女五人賜之昭君入宮數歲不得見御積悲怨  
乃請掖庭令求行呼韓邪臨辭大會帝召五女以侍之  
昭君豐容靚飾光明漢宮顧景裴回竦動左右帝見大  
驚意欲留之而難於失信遂與匈奴生二子及呼韓邪  
死其前閼氏子代立欲妻昭君上書求歸成帝勅令從  
胡俗遂復為後單于閼氏

後漢光武建武中上谷太守王霸上書言宜與匈奴結  
和親

二十二年匈奴中連年旱蝗赤地數千里草木盡枯人畜饑疫死耗大半單于畏漢乘其弊乃遣使詣漁陽請和親使中郎將季茂報命

二十七年北單于遣使詣武威求和親天子召公卿廷議不決皇太子言曰南單于新附北虜懼於見伐故傾耳而聽爭欲歸義耳今未能出兵而反交通北虜臣恐南單于將有二心北虜降者且不復來矣帝然之告武威太守勿受其使

二十八年北匈奴復遣使詣闕貢馬及裘更乞和親并請音樂又求率西域諸國胡客與俱獻見帝下三府議酬答之宜司徒掾班彪奏曰臣聞孝宣帝勅邊守尉曰匈奴大變詐交接得其情則却敵折衝應對入其數則反為輕欺今此匈奴見南單于來附懼謀其國故數乞和親又遠驅牛馬與漢合市重遣名王多所貢獻斯皆外示富彊以相欺誕也臣見其獻益重知其國益虛歸親愈數為懼愈多然今既未獲助南則亦不宜絕北羈

縻之義禮無不答謂可頗加賞賜略與所獻相當明加  
曉告以前世呼韓邪郅支行事報答之辭今必有適令  
且藁草上并曰單于不忘漢恩追念先祖舊約欲修和  
親以輔身安國計議甚高為單于嘉之往者匈奴數有  
乖亂呼韓邪郅支自將相讎隙並蒙孝宣皇帝垂恩救  
護故各遣侍子稱藩保塞其後郅支忿戾自絕皇澤而  
呼韓附親忠孝彌著及漢滅郅支遂保國傳嗣子孫相  
繼今單于擁衆向南款塞歸命自以呼韓嫡長次第當立

而侵奪失職猜疑相背數請兵將歸北庭策謀紛紜無所不至惟念斯言不可獨聽又以北單于比年貢獻欲修和親故拒而未許將以成單于忠孝之義漢秉威信總率萬國日月所炤皆為臣妾殊俗百蠻義無親疎服順者褒賞叛逆者誅罰善惡之效呼韓郅支是也今單于欲修和親款誠已達何嫌而欲率西域諸國俱來獻見西域國屬匈奴與屬漢何異單于數遭兵亂國內虛耗貢物裁以通禮何必獻馬裘令齋雜繒五百疋弓韃

續九一矢四發

藏弓為韃藏箭為續九箭箠也四矢曰發

遣遺單于又賜獻

馬左骨都侯右谷蠡王雜繒各四百疋斬馬劍各一單

于前言先帝時所賜呼韓邪竽瑟箜篌皆敗願復裁賜

念單于國尚未安方厲武節以戰攻為務竽瑟之用不

如良弓利劍故未以齎言不齎特往遺也朕不愛小物於單于

便宜所欲遣驛以聞帝悉納從之

三十一年復遣使如前欲修和親乃璽書報答賜以綵

繒不遣使者

明帝永平六年北匈奴猶盛數寇邊朝廷以為憂北單于欲合市遣使求和親帝冀其交通不復為寇乃許之遣給事中鄭眾持節使匈奴及眾還朝議復欲遣使眾上疏諫曰臣伏聞北單于所以要致漢使者欲以離南單于之眾堅三十六國之心也又當揚漢和親誇示鄰敵令西域欲歸化者局促狐疑懷土之人絕望中國耳漢使既到便偃蹇自倨若復遣之虜必自謂得謀其羣臣駁議不敢復言如是南庭動搖烏桓有離心矣南單

于久居漢地具知形勢萬分離析旋為邊害今幸有度  
遼之衆揚威北垂雖勿報答不敢為患帝不從

章帝元和二年武威太守孟雲上言北虜以前旣和親  
而南部復生鈔掠北單于謂漢敗盟謀欲犯塞謂宜還  
詳所掠生口以慰安其意帝從大僕表安議許之乃下  
詔曰昔獫狁犷鬻之敵中國其所繇來尚矣往者雖有  
和親之名終無絲髮之效境堉之人屢嬰塗炭父戰於  
前子死於後弱女乘於亭障孤兒號於道路老母寡妻

設虛祭飲泣涕相望歸魂於沙漠之表豈不哀哉傳曰  
江海所以能長百川者以其下之也少加屈下尚何足  
病况今與匈奴君臣分定辭順約明貢獻累至豈宜違  
信自受其曲其勅度遼及領中郎將龐奮倍雇南郡所  
得生口以還北虜其南部斬首獲生計功受賞如常科  
時北單于遣使貢獻欲求和親詔羣僚議者或以為匈奴  
變詐之國無內向之心徒以畏漢威靈逼憚南虜故希  
望報命以安其離叛今若遣使恐失南虜親附之歡而

成北狄猜詐之計不可玄武司馬班固議曰竊自思惟漢興以來曠世歷年兵纏夷狄尤事匈奴綏御之方其塗不一或修文以和之或用武以征之或卑下以就之或臣服而攻之雖屈伸無常所因時異然未有拒絕棄放不與交接者也故自建武之世復修舊典數重出使前後相繼至於其末始乃暫絕永平八年復議通之廷爭連日異同紛回多執其難少言其易先帝聖德遠覽瞻前顧後遂復出使事同前世以此而推未有一世闕而

不修者也今烏桓就闕稽首譯官康居月氏自遠而至  
匈奴離析名王來降三方歸服不以兵威此誠國家通  
於神明自然之徵也臣愚以為宜依故事復遣使者上  
可繼五鳳甘露致遠人之會下不失建武永平羈縻之  
義虜使再來然後一往既明中國主在忠信且知當朝  
禮義有常豈同逆詐示猜孤其善意乎絕之未知其利  
通之不聞其害設後北虜稍強能為風塵方復求為交  
通將何所及不若因今施惠為策近長

和帝永元十六年北單于遣使詣闕貢獻願和親修呼  
韓邪故約帝以其舊禮不備未許之而厚加賞賜不答  
其使

元興元年重遣使詣燉煌貢獻辭以國貧未能備禮願

請天使當遣子入侍

天子降天使至國卽遣子隨天使入侍

時鄧太后臨

朝亦不答其使但加賜而已

後魏道武時引吏部尚書崔玄伯講漢書至婁敬說漢  
祖欲以魯元公主妻匈奴帝善之嗟嘆者良久是以諸

公主皆釐降于賓附之國朝臣子弟雖名族美產不得尚焉時蠕蠕問大肥率宗族歸國尚華陰公主公主薨復尚護澤公主

東魏孝靜帝時蠕蠕王阿那瓌遣朝貢求婚以常山王妹樂安公主許之改為蘭陵公主瓌遣奉馬千匹為聘禮迎公主詔宗正無奇送公主往北自是朝貢

武定三年吐谷渾國奉其從妹以備後庭納為容華嬪北齊神武為魏相國時阿那瓌彊盛與西魏通和欲連

兵東伐神武病之令杜弼使蠕蠕為世子求婚

世子即文襄也

阿那瓌曰高王自娶則可神武猶豫尉景與武明皇后

及文襄並勸請乃從之武定三年使慕容儼往聘之號

曰蠕蠕公主八月神武迎於下館阿那瓌使其弟秃突

佳來送女且報聘仍戒曰待見外孫然後反國公主性

嚴毅一生不肯華言神武常有疾不得往公主所秃突

佳怨恚神武輿疾就公主其見將護如此

神武後文襄烝公主從蠕

蠕國法產一女焉又為第九子湛

即武成也

聘蠕蠕太子菴羅辰女

號隣和公主湛年始八歲

後主武平四年突厥使求婚

後周太祖為魏相突厥土門使使獻方物時鐵勒將伐  
茹茹土門率所部邀破之盡降其衆五萬餘部恃其彊  
盛乃求婚於茹茹主阿那瓌大怒使人罵辱之曰爾是  
我鍛奴何敢發是言也土門亦怒殺其使者遂與之絕  
而求婚於周太祖許之以魏長樂公主妻之武帝時與  
齊人交爭戎車歲動故每連突厥為外援初魏恭帝世

突厥侯升許進女於太祖契未定而太祖薨尋而侯升  
又以他女許帝未及結納齊人亦遣求婚侯升貪其幣  
厚將悔之保定中詔遣涼州刺史楊荐武伯王慶等往  
結之慶等至諭以信義侯升遂絕齊使而定婚焉五年  
詔陳公純大司徒宇文貴神武公竇毅南安公楊荐等  
往迎女天和二年侯升又遣使來獻陳公純等至侯升  
復貳於齊會有風靈變乃許純等以君后歸

宣帝大象元年突厥他鉢請和親帝冊趙王招女為千

金公主嫁之

二年二月突厥遣使獻方物且逆千金公主

隋高祖開皇中突厥沙鉢略與從弟地勤察有隙各遣使詣闕請和求援帝皆不許會周千金公主上書請為一子之例高祖遣開府徐平和使於沙鉢略諱沙鉢略遣使致書曰辰年九月十日從天生大突厥天下聖賢天子伊利俱盧設莫何始波羅可汗致書大隋皇帝使人開府徐平和至辱告言語具聞也皇帝是婦父卽是

翁此是女夫卽是兒例兩境雖殊情義是一今重疊親  
舊子子孫孫乃至萬世不斷上天為證終不違約此國  
所有羊馬都是皇帝畜生彼有繒綵都是此物彼此有  
何異也高祖報書曰大隋天子貽書大突厥乙利俱盧  
設莫何沙鉢略可汗得書知大有好心向此也既是沙  
鉢略婦公今日看沙鉢略共兒子不異旣以親舊厚意  
常使之外今特別遣大臣虞慶則往彼看女復看沙鉢  
略也

十一年吐谷渾主伏使其兄子無素奉表稱藩并獻方物請以女備後庭帝謂滕王曰此非至誠但急計耳乃謂無素曰朕知渾主欲令女事朕若依來請他國聞之便當相學一許一塞是謂不平若並許之又非好法朕情存安養欲令遂往豈可聚斂子女以實後宮乎竟不許

十六年以先化公主妻吐谷渾主伏伏上表稱公主為天后帝不許其年國人殺伏立其弟伏允為主使請依

俗尚主帝從之自是朝貢歲至

十七年突厥突利可汗染干遣使來逆女舍之太常教習六禮先是帝改封周千金公主為大義公主賜姓楊氏後帝以陳叔寶屏風賜之公主心不平因書屏風為詩叙陳亡以自寄其辭帝聞而惡之公主復與西面突厥况利可汗連結帝恐其為變將圖之會主與所從胡私通因發其事下詔廢黜之恐都藍不從遣竒章公牛弘將美妓四人以啗之時沙鉢略子曰染干居北方遣

使求婚帝令裴矩謂之曰當殺大義公主者方許婚突利以為然復譖之都藍因發怒遂殺公主於帳至是以宗女安義公主妻之帝欲離間北夷故特厚其禮遣牛弘蘇威斛律孝卿相繼為使突厥前後遣使入朝三百七十輩突利本居北方以尚主之故南徙度斤舊鎮云一初突厥雍閭表請婚僉議將許之長孫晟奏曰臣觀雍閭反覆無信特共玷厥有隙所以依倚國家縱與為婚終當必叛今若得尚公主承藉威靈玷厥染干必又受其徵發強而更反後恐難圖且染干者處羅侯之子也素有誠款于今兩代臣前與目見亦乞通婚不如許之招令南徙兵少執弱易可撫馭使敵雍閭以為邊捍帝

曰善乃遣慰喻染干許尚公主染干遣五百騎隨晟來  
逆女以宗女封安義公主以妻之晟說染干率衆南徙  
居度斤舊鎮雍閭疾之亟來抄略染干伺  
知動靜輒遣奏聞是以賊來每先有備

十九年高頰楊素擊突厥玷厥大破之拜染干為意利  
珍臣啓民可汗於朔州築大利城以居時安義公主已

卒帝以宗女義成公主妻之部落歸者甚衆

先是十八年染干為

玷厥等所攻乃隨長孫晟歸朝至是高頰  
等擊破玷厥乃命染干出居大利城焉

煬帝大業三年幸榆林啓民及義成公主來朝行宮前  
後獻馬三千疋帝大悅賜物萬三千段啓民上表曰已

前聖人先帝莫緣可汗存在之月憐臣賜臣安義公主  
種種無少短至尊今還如聖人先帝捉天下四方坐也還  
養活臣及突厥百姓實無少短臣今憶想聖人及至尊  
養活事具奏不可盡帝乃親幸啓民所居啓民奉觴上  
壽跪伏甚恭帝賜啓民及公主金甕各一及衣服被褥  
錦綵特勒以下各有差

明年啓民卒子始畢可汗立表  
請尚公主詔從其俗唐初始畢

死處羅可汗立處羅死  
頡利可汗立並妻主焉

四年高昌王伯雅遣使貢獻帝待其使甚厚明年伯雅

來朝因從擊高麗還尚宗女華容公主

十年正月以宗女為信儀公主嫁於突厥高昌娑那可汗賜錦綵袍十具綵萬疋帝將復其故地以遼東之役故未遑也

唐高祖義寧中遣襄武郡公琛與太常卿鄭元璫齋女妓遺突厥始畢可汗以結和親

武德五年西突厥葉護可汗遣使請婚

六年突厥又請和親歸我馬邑

八年四月宴西蕃突厥使時中國以突厥為患故遣使與西突厥連和以備北狄於是葉護請婚帝謂侍中裴矩曰西突厥與我懸遠有急不得相助今來請婚其意如何對曰西蕃懸遠誠如聖旨但北寇盛彊數為邊害當今之計須遠交而近攻權可許婚以近頡利且羈縻之待一二年後中國完實足抗北夷然後徐思其宜此蓋一時之策也帝然之令高平王道立至其國統葉護大悅遇頡利頻歲入寇西蕃路梗繇是未果

太宗貞觀八年吐蕃贊普弄讚嗣位帝遣行人馮德遐  
往撫慰之弄讚見德遐大悅聞突厥及吐谷渾皆尚公主  
乃遣使隨德遐入朝多賫金寶奉表求婚帝未之許使  
者既反言於弄讚曰初至大國待我甚厚許嫁公主會  
吐谷渾王入朝有相離間繇是禮薄遂不許嫁弄讚遂  
與羊同連發兵以擊吐谷渾吐谷渾不能支遁於青海  
之北以避其鋒其國人畜並為吐蕃所掠於是進兵攻  
破党項及白蘭諸羌率其衆二千餘頓於松州西境遣

使貢金甲云來迎公主又謂其屬曰若大國不嫁公主於我卽當入寇遂進攻松州都督韓威輕騎覘賊反為所敗邊人大擾帝遣吏部尚書侯君集為當彌道行軍大總管右領軍大將軍執失思力為白蘭道行軍總管左武衛將軍牛進達為濶水道行軍總管右領軍留蘭為洮河道行軍總管率部騎五萬擊之進達先鋒自松州夜襲其營斬千餘級弄讚大懼引兵而退遣使謝罪因復請婚帝許之弄讚乃遣其相祿東贊至禮獻金五

千兩自餘寶玩數百事

十四年吐谷渾烏也拔勤豆可汗諾曷鉢入朝請婚先是帝卽位初吐谷渾王伏允為子尊王求婚帝責其親迎以羈縻之尊王稱疾不朝有詔停婚至是遂以弘化公主妻諾曷鉢資送甚厚

十五年帝以文成公主妻之令禮部尚書江夏郡王道宗主婚持節送公主于吐蕃弄讚率其部兵次栢海親迎于河源見王人執子婿之禮甚恭旣而歎大國服飾

禮儀之美俯仰有媿沮之色及與公主歸國謂所親曰  
我祖父未有通婚上國者今我得尚大唐公主為幸實  
多為公主築一城以誇示後代遂築城邑立棟宇以居  
處焉公主惡其人赭面弄讚令國中權且罷之身亦釋  
羶裘襲紈綺漸慕華風猜獷日革至遣子弟入國學而  
習業焉

十六年九月延陲真珠毗伽可汗遣其叔父沙鉢羅泥  
熟俟斤來請婚獻馬三千疋貂皮三萬八千馬腦鏡一

帝許以女妻之徵可汗備親迎之禮帝志懷遠人於是發詔幸靈州與之會可汗大悅謂其國中曰我本鐵勒之小帥也蒙大國聖人樹立我為可汗今復嫁我以公主車駕親至靈州斯亦足矣於是稅諸部羊馬以為聘財或說可汗曰我薛延陁可汗與大唐天子俱為一國主何以自往朝謁如或拘留悔之無及可汗曰吾聞大唐天子聖德遠被日月所炤皆來賓服我歸心委質冀得一覩天顏無所復恨然磧北之地必當有主舍我別

求固非大國之計我志決矣勿復多言於是言者遂止  
帝止三道發使受其羊馬然延陀無府藏調斂其國往  
返且萬里既沙磧無草羊馬逸死遂後期帝於是停幸  
靈州徵還三道之使既而其聘羊至所耗將半議者以  
為戎狄則不可以禮義畜若聘財未備而與之婚或輕  
中國要令備禮以加重於是反其使者羣臣或勸帝云  
既許以公主妻延陀邊境得以休息納其獻聘不可失  
信於蕃人宜在速成帝謂之曰君等進計皆非也君等

知古而不知今昔漢家匈奴強而中國弱所以厚飾子女嫁與單于今時中國強而北狄弱漢兵一千堪擊其數萬延陲所以匍匐稽顙恣我所為不敢驕慢者以新得立為長雜姓本非其屬將倚大國用服其衆彼同羅僕固等十餘部落兵數萬并力足制延陲所以不敢發者延陲為我所立懼中國也今若以女之大國子壻增崇其禮深結黨援雜姓部落屈膝低眉更遵服之夷狄之人豈知禮義微不得意勒兵南下如君所言可謂養

獸自噬也吾今不與其女頗簡使命諸姓部落知吾弃之其爭擊延陟必矣於是遂絕其婚

十七年八月突厥咄陸可汗遣使求婚帝謂曰爾數年闕朝獻而敢留我使人此如摘叢林一葉盜海水一滴耳於我大國無損在爾褊識不足竟不許之

二十年六月西突厥乙毗射遣可汗遣使朝貢仍求婚焉帝璽書報其善心優撫至甚

冊府元龜卷九百七十八

欽定四庫全書

冊府元龜卷九百七十九 宋 王欽若等 撰

外臣部

和親

唐高宗永徽三年八月吐谷渾弘化長公主表請入朝  
遣左驍衛將軍鮮于濟往迎之

十一月弘化長公主來朝

顯慶三年冬十月庚申吐蕃贊普遣使來請婚仍獻金

毬罰及犂牛尾

調露二年十月吐蕃文成公主遣大臣論塞調旁求告喪并請和親帝不許之遣郎將宋令文往吐蕃會贊普之葬

則天長壽三年二月西平大長公主還蕃公主者太宗族妹貞觀中吐蕃遣使請婚至是來朝設歸寧之禮焉臣欽若等曰按唐書太宗貞觀十五年文成公主出降吐蕃弄讚至高宗永隆元年公主卒實錄所載西平大長公主檢和親事迹未獲

長安二年四月吐蕃遣使獻馬千疋金二千兩以表求婚則天許之會贊普卒六月突厥默啜遣使莫達干請以女妻皇太子制令皇太子男平恩王重俊義與王重明等延立見之默啜遣大臣移力貪汗入朝獻馬千匹及方物以謝許親之意則天讌之於宿羽亭太子相王及朝集使三品已上並預會重賜以遣之後中宗卽位默啜入寇靈州鳴沙縣中宗下制絕其婚

中宗神龍三年四月詔以所養嗣雍王守禮女金城公

主出降吐蕃贊普

景龍二年四月和蕃使左驍衛大將軍揚矩奏言吐蕃先遣使來此迎公主兼學漢語今欲放還吐蕃於事不便伏望報之云其使已死帝曰凡事須示人以信宜應實詞報之使無猜貳遂放其使還

二年十一月吐蕃贊普遣其大臣尚贊吐蕃來迎女

四年正月庚午制曰聖人布化用百姓為心王者垂仁以八荒無外故能光宅遐邇財成品物繇是隆周理歷

啓柔遠之圖強漢乘時建和親之義斯蓋御寓長策經  
邦茂範朕受命上靈克纂洪業摠三才而統極混六合  
以爲家聲教所覃建木棗林之外提封爰巨弱水流沙  
之表悠然至道高詠薰風載戢干戈大張禮樂庶幾前  
烈克致和平睠彼吐蕃僻在西服皇運之始早申朝貢  
太宗文武聖皇帝德侔覆載情深億兆思偃兵甲遂通  
姻好數十年間一方清淨自文成公主往嫁其國因多  
變革我之邊隅亟興師旅彼之蕃落頗聞彫弊頃者及

祖母可敦酋長等屢披誠款積有歲時思託舊親請崇  
姻好金城公主朕之小女長自宮闈言適遠方豈不鍾  
念但朕為人父母志恤黎元若允誠祈更敦和好則邊  
上寧晏兵役休息遂割深慈為國大計受築外館聿膺  
嘉禮彼吐蕃贊普即以今月二十七日朕深自送於郊  
外帝乃召侍中紀處訥謂曰昔文成公主出降則江夏  
王送之卿雅識蕃情有安邊之略可為朕充此使也處  
訥拜謝既而以不練邊事固辭帝又令中書侍郎趙彥

昭往昭以為既充外使恐其失權寵殊不悅司農卿趙履溫私之曰公國之宰輔而為一介之使不亦鄙乎彥昭曰計將安出履溫因為陰託安樂公主密奏留之

丁丑命驍衛大將軍楊矩充送金城公主使己卯幸始平縣以送金城公主辛巳設帳殿於百頃洎則引王公宰臣及吐蕃使人入宴中坐酒闌命吐蕃使進前諭以公主駢幼割慈遠嫁之日帝悲泣獻款久之因命從臣賦詩餞別改始平為金城又改其地為鳳池鄉愴別里

公主既至吐蕃別築一城以居之

睿宗景雲二年十一月突厥默啜可汗遣使請和親詔以宋王成器女為金仙公主許嫁之默乃遣其男楊我支特勒來朝太極元年正月帝御安福門宴之俄而帝傳位親竟不成

玄宗先天二年七月金城公主上言吐蕃贊普之母死乃命左清道率李璪攝宗正卿持節使于吐蕃會葬也八月突厥遣王子楊我支來求婚以蜀王女南和縣主

下嫁于楊我支降書謂可汗曰朕欲可汗恩義稠疊故  
與王子更重結親想可汗遠聞當喜慰也

開元二年四月辛巳突厥可汗遣使上表求婚自稱曰  
乾和永清大駙馬天上得果報天男突厥聖天骨咄祿  
可汗上皇帝曰府君皇帝乙酉定公主出降

十月突厥默啜遣使求婚帝降書謂曰我與突厥素來  
通婚好和計之道豈是今日頃為小女且緩其期亦可  
汗之久無報也今者若真心請來歲未賒任自擇日當

遣公主嫁可汗遣一王子來此宿衛以申兩國之好豈不美耶

十月命左驍衛郎將尉遲環使吐蕃宣恩于金城公主四年八月吐蕃請和從之賞賜金城公主及贊普錦帛器物等蕃酋皆嘉公主奉表謝恩曰金城公主奴奴言仲夏盛熱伏惟皇帝兄起居萬福御膳勝常奴奴奉見舅甥平章書云還依舊日重為和好既奉如此進止奴奴還同再生下情不勝喜躍伏蒙皇帝兄所賜信物並依

數奉領謹獻金盞羚羊衫段青長毛罽各一奉表以聞  
十二月詔曰固安縣主取來年二月五日出適奚都督  
李大酺湏早支料造作宜令河東少尹慕容珣充男家  
禮會使雒陽令薛曦為副少監李尚隱充女家禮會使  
河南縣令鄭璿為副

五年三月吐蕃贊普又遣使奉表請和金城公主上表  
曰金城公主奴奴言季夏極熱伏惟皇帝兄御膳勝常  
奴奴甚平安願皇帝兄勿憂此間宰相向奴奴道贊普

甚欲得和好亦疑親署誓文往者皇帝兄不許親署誓  
文奴奴降蕃事緣和好今乃搔動實將不安和矜憐奴  
奴遠在他國皇帝兄親署誓文亦非常事卽得兩國久  
長安穩伏惟念之

八月詔曰故東平王外孫正議大夫復州司馬楊元嗣  
第七女譽叶才明體光柔順葭蓂戚敦睦有倫薜華  
靡顏德容蕙茂屬賢王慕義予以賜親納女問名滋焉  
迨吉宜昇外館之寵俾耀邊城之地可封永樂出降契

丹松漠郡王李失活婚之夜遣諸親高品及兩蕃大首  
領觀花燭又詔封從外生女辛氏為固安公主出降奚  
王饒樂郡王李大酺是月又以史懷道女為金河公主  
以妻突厥騎施可汗蘇祿先是蘇祿頗善綏撫有衆二  
十萬遂雄西域之地尋遣使來朝三年制授左羽林軍  
大將軍金方道經略大使位特進遣侍御史解忠順齎  
璽書冊立為忠順可汗至是每年遣使來朝獻帝乃以  
主妻之

九年突厥默啜遣使請和乞與帝為子許之仍請尚公主但厚賜遣之

十年契丹松漠郡王鬱于入朝請婚封從妹夫帝更令慕容嘉賓女燕郡主以妻之明年鬱于死弟吐于伐立復以燕郡主妻之是年奚饒樂郡王魯蘇入朝仍以固安公主為妻而公主與嫡母不和遁相論告詔令離婚復以成安公主之女韋氏為東光公主以妻之

十二年三月遣使齎絹錦八萬段分賜奚及契丹詔曰

公主出降蕃王本擬安養部請入朝謁深慮勞煩朕固  
割恩抑而未許因加殊惠以慰遠心奚有五部落宜賜  
物三萬段先給征行遊奕兵及百姓餘一萬段與東光  
公主饒樂王衙官刺史縣令契丹有八部落宜賜物五  
萬段其中取四萬段先給征行有遊奕兵士及百姓餘  
一萬段與燕郡公主松漠王衙官刺史縣令其物雜以  
絹布務令均平給訖奏聞

七月突厥默啜遣使哥解頡利發獻方物可汗慕義向

風益以嘉尚我國家金帛子女務通和親然一為婚姻  
將傳永久契約須重禮數宜周今來人既輕禮亦未足  
所以未定日月令其且還如和好不移誠信無改凡有  
所請必當不違國家信若四時恩同天地一言則定何  
誓如之必能結之神明彌表彼之誠契既無猜阻任擇  
其宜諸所有商量今已親語哥解更欲遣使恐致勞煩  
令寄可汗錦袍鈿帶銀盤胡餅至宜領取

八月謝颶國王特勒遣使羅火拔來朝火拔奏曰謝颶

國去箇失密國一千五百里其失密國去吐蕃金城公主居處七日路程公主去年五月遣漢使二人偷道向箇失密國傳言曰汝赤心向漢我欲走出投汝容受我否箇失密王聞其言大喜報曰公主但來竭心以待時箇失密王又遣使報臣國王曰天子女欲走來投我國必恐吐蕃兵馬來逐我力不敵乞兵於我卽冀吐蕃破散公主得達臣國王聞之極歡遣使許諾于箇失密王令臣入朝面取進止帝甚然之賜帛百疋放還蕃

十三年玄宗將東封遣中書直省袁振攝鴻臚卿往突厥告其意默啜小殺與其妻及聞特勒瞰欲谷等環帳中設宴謂振曰吐蕃狗種唐國與之為婚奚及契丹舊是突厥之奴亦尚唐家公主突厥前後請結和親獨不蒙許何也振曰可汗既與皇帝為子父子豈合婚姻小殺等曰兩蕃亦蒙賜姓猶得尚主但依此例有何不可且入蕃公主皆非天子之女今之所求豈問真假頻請不得實亦羞見諸蕃振許為奏請小殺乃遣其大臣阿

史得頡利發入朝貢獻扈從東巡東封迴上為頡利發設燕厚賜而遣之竟不許其和親是年契丹立李盡忠弟邵固為主其冬車駕東巡邵固詣行在所封皇從外生女陳氏為東華公主以妻之

十四年正月改封契丹松漠郡王李邵固為廣化王奚饒樂郡王李魯蘇為奉誠王仍封宗室外甥女二人為公主各以妻之制曰李邵固等輸忠保塞乃誠奉國屬外中于天無遠而不屆華裔靡隔等數有加宣錫休名

俾承慶澤

按本紀唐書與實錄年月不同故兩存之

十八年十月吐蕃遣其大臣各悉獵來朝請固和好之約且獻書曰伏惟皇帝舅宿親又蒙降金城公主遂和同為一家天下百姓普皆安樂中間為張玄表李知古等東西兩處先動兵馬侵抄吐蕃邊將所以互相征討迄至今日遂城釁隙外生以先代天成公主今金城之故深失尊卑豈敢失禮又緣年小狂被邊將讒構亂令舅致恠伏乞垂察追留死將萬足承前數度使人入

朝皆被邊將不許所以不敢自奏去冬公主遣使婁衆  
失力將狀專往蒙降使着公主來外生不勝喜賀謹遣  
使諭論各悉獵及副使押衛將軍浪些紇夜悉獵入朝  
取進止兩國事悉獵所共外生蕃中已處分邊將不許  
抄掠若有漢人來投便令却送伏望皇帝舅遠察赤心  
許從舊好長令百姓快樂如蒙聖恩千萬歲外生終不  
敢先違盟誓謹奉進金胡餅一金盤一金椀一瑪瑙杯  
一零羊衫段一謹充徵國之禮金城公主又別進金鴨

盤盞新品物等先是忠王友皇甫惟明因奏事面陳通和吐蕃之便帝然其言因令惟明及內侍張元方充使往聘惟明至吐蕃具宣帝意贊普等欣然請和政令各悉獵隨惟明入朝乃詔曰吐蕃向化遣使入朝旣懷舊恩請繼前好今緣公主在彼又復蕃客欲還使于四方必資德望鴻臚卿崔琳久歷朝序備曉政途好謀而成臨事能斷俾御國命以赴蕃庭宜令持節引入吐蕃使所司准式發遣又以琳為御史大夫以奉使入蕃寵之

也又降書與吐蕃贊普外生曰朕君臨寓縣子育黎元  
因百姓以為心懼萬方之有罪昔文成遠嫁將以寵光  
彼國豈無武力蓋取曲成尋以紛紜有侵亭障重以婚  
姻之故旋師衽席之間又降金城以敦前好所期疆場  
無壘書軌攸同更聞權在強臣遂復違約失順干戈未  
息道路稱歎今有使臣遠來方悉忠誠彌固舅甥之禮  
萬里如初協和之勤一心逾亮義節可尚情見乎詞朕  
以公主在蕃親愛之極縱有違負之過詎移骨肉之恩

深明至懷，知得良筭，至於止戈，為武國之大猷。懷遠以德，朕之本意。中外無隔，夷夏混齊。託聲教於殊方，躋含靈于仁壽。朕之深旨，來使具知。劍南去年生羌就戮，雖邊將有此舉動，是彼使來以前。自茲已後，更無討襲諸軍所守，侵掠並停。今故使御史大夫崔琳往申信約，所有陳請，咸不相違。并所進器物，並依數領得。今寄多少信物，至宜領取。又降書金城公主，遠降殊方，底寧蕃落。載懷貞順之道，深明去就之宜。能知其人而獻其款忠。

節克著嘆美良深所進物等並領得今寄公主少多信  
物至宜領取所請物並一依來奏文吐蕃使奏云公主  
請毛詩禮記左傳各一部制令秘書省寫與之正字于  
休烈上疏諫言不可疏奏不省

二十一年二月金城公主上言請以今年九月一日樹  
碑于赤嶺定蕃漢兩界時李暉使于吐蕃金城度其還  
期暮秋故有是請及樹之日詔張守珪李行禕與吐蕃  
使莽布及同觀樹焉旣樹吐蕃遣其臣隨漢使分往劍

南及河西磧西歷告邊州使曰兩國和好無相侵掠漢

使隨蕃使入蕃告亦如之

其碑文曰維大唐開元二十一年歲次壬申舅甥修其舊

好同為一家往日貞觀十年初通和好遠降文成公主入蕃已後景龍二年重為婚媾金城公主因茲降蕃自此以來萬事休帖間者邊吏不謹互有侵軼越在遐荒因之隔閼今遵永舊咸與維新帝式臧用不違厥旨因以示赤嶺之外其所定邊界一依舊定為封守為羅斥候通關梁大矣哉皇天無私惟聖作又故違聖者逆也所以降雷霆之威率聖者順也所以漸雲雨之施休咎之理順逆之繇若斯之明矣昔先帝含弘愛至從聘所以一內外之禮等華夷之觀通朝覲之往來成舅甥之宴好則我先帝之德不可忘也頃者瓜州之役宥而不討者蓋捨之先迷而歸之畜復夫恃安則逸逸則棄禮棄禮則忘信忘信者暴蔑之心生也故春秋時人忘盟

誓之典有如日有如河我之今日固不稽古幽蕃臣魁  
渠實曰警戒無或背淳德習凶梗侵擾我河湟窺覘我  
亭障無或恣業驚馳咆哮剽掠我牛馬蹂踐我農穡漢  
家軍領亦不得兵馬相侵我家用不奄襲爾城守覆墜  
爾師徒壅塞爾道路烟滅爾部落不以兵強而害義不  
以為利而棄言則我無爾詐爾無我虞信也司慎盟羣  
祀莫不聽命然後走正朔宜百福偕爾命祚泱泱乎仁  
壽之風矣休哉法尚一正無二正之極爾惟脩代好彌  
永年忠於人則信於神俾我唐受無疆之福爾亦荷有  
永之謀用懷爾遠人不寶爾遠物至聖之仁也銘曰言  
念舊好義不忒兮道路無壅烽遂息兮指  
河為誓子孫億兮有渝其誠神明殛兮

是年七月吐蕃遣宰相論紇野贊等來朝且通和好金  
城公主獻表曰妹奴奴言李行禕至奉皇帝兄正月勅

書伏承皇帝萬福奴惟加嘉躍今得舅甥和好永無改  
張天下黔庶並皆安樂然去年崔琳迴日請置府李行  
禕至及尚他辟迴其府事不蒙進止伏望皇帝兄商量  
矜奴所請吐蕃贊普獻書曰使人李行禕至奉書又尚  
他辟迴日所令傳語並且承命且漢與吐蕃俱是大國  
又復先來宿親自合同和天下蒼生悉皆快活贊揚盛  
德當無盡期及至久長亦無改變恐彼此邊界黎庶不  
委長和慮有惡人妄生亂意請彼此差使相監從沙州

已來洮州已來分明報告使無疑慮即將永定今奉皇  
帝金銓馬腦胡瓶羚羊衫段金銀餅盤器等以充國信

又云二十八年十一月金城公主薨吐蕃遣使來告喪  
公主景龍四年出降贊普既至蕃中吐蕃遣使因請河  
西九曲之地為金城公主湯沐邑楊矩遂奏與之吐蕃  
既得九曲之地草肥復懷背叛頻寇河隴開元十七年  
朔方大總管信安王偉率兵按石壁城大虜吐蕃於是  
吐蕃頻使求和詔忠王友皇甫惟明及內使張元方使  
于吐蕃惟明既見贊普及公主皆欣然請和盡出貞觀  
以來勅書以示惟明乃遣重臣各悉獵同惟明入朝贊  
普既獻寶物公主又獻金鴨盤雜器等物悉獵頗曉書  
記先是迎公主長安當時朝廷皆稱辨才及是帝引入  
內宴與語甚禮之詔御史大夫崔琳充使宣諭於赤嶺  
各分樹界碑約不相侵後吐蕃不受破之自後戰攻不

息是歲公主薨吐蕃遣使告哀仍請和不許使到數月始命有司為公主於光順門外發哀輟朝三日

三十二年四月突厥遣使來朝謝婚表曰自遣使入朝已來甚好和同一無虛誑蕃漢百姓皆得一處養畜資生種田未作今許降公主皇帝即是阿助卑下是兒一種受恩更有何惡謹使可解粟必謝婚他滿達干請期獻馬四十匹充押亟

天寶三載十二月封宗女為和義公主降寧遠國制曰呼韓來享位列侯王烏孫入和義通姻好懷柔之道今

古攸同寧遠國奉化王驃騎大將軍爛達干志慕朝化  
誓為邊扞漸聲教而有孚勤職貢而無闕誠深內附禮  
異殊隣爰錫嘉偶特申殊渥四從弟前河南府告成縣  
令叅第四女質稟幽閑性惟純懿承姆師之訓道寔宗  
人之光儀固可以保合戎庭克諧邦選宜膺遠好以寵  
名蕃可封和義公主降寧遠國奉化王

四載三月封外孫女獨孤氏為靜樂公主降松漠都督  
崇順王李懷節封外甥女楊氏為宜芳公主出降饒樂

都督懷信王李延寵九月奚及契丹酋長各殺公主舉部以叛

肅宗至德元年八月回紇首領至請和親兼封安祿山九月封故邠王第五男承宗為燉煌王使回紇仍令僕固懷恩送至回紇部落請和親封回紇女為毗加公主十月迴紇首領來朝請和親詔燉煌王承宗赴回紇結親

二年九月回紇大首領入朝燉煌王承宗加開府儀同

三司拜宗正卿納回紇公主為妃是歲吐蕃又遣使請和親上詔給事中南巨川以修戎好報命

乾元元年六月回紇使達亥阿波刺史入朝迎公主詔授開府儀同三司七月丁亥詔曰朕聞古之聖王臨御天下功懋受賞道無隔於華夷義存有孚信必全於終始故能德被寰宇化延殊俗是以周稱柔遠克著濟時之圖漢結和親式弘長久之策絲來尚矣朕抵若元命永惟稽古內申九命勉膺嗣夏之期外接百蠻庶廣懷

荒之澤頃自兇渠作亂宗社阽危回紇時表忠誠載懷  
奉國所以兵踰絕漠力徇中原亟除青犢之妖實賴烏  
孫之助而先有情款永固姻好今兩京抵定百度惟貞  
奉皇輿而載寧纘鴻業而攸重斯言可復厥德難忘爰  
申降主之禮用答勤王之志且骨肉之愛人情所鍾離  
遠之懷天屬尤切況將適異域寧忘軫念但上緣社稷  
下為黎元遂抑沐慈為國大計是用築慈外館割白中  
闌將成萬里之婚莫定四方之業以其誠信所立家國

攸寧義以制名飾崇寵號宜以幼女封為寧國公主應緣禮會所司准式其降蕃日仍令堂弟銀青光祿大夫殿中監漢中郡王瑀充冊命英武威遠毗伽可汗使以堂姪正議大夫行右司郎中上柱國上邽縣公賜紫金魚袋巽為副特差重臣開府儀同三司尚書左僕射冀國公裴冕送至界首凡百姓臣庶宜悉朕懷戊子漢中郡王瑀加特進太常卿攝御史大夫右司郎中巽改尚書兵部郎中兼御史中丞鴻臚少卿兼充寧國公主禮

會使癸巳以冊立回紇英武威遠毗伽可汗帝御宣政殿漢中王瑀受命甲子帝送寧國公主咸陽磁門驛

十一月甲子回紇使三婦人謝寧國公主之聘也

寧國公主

既降回紇又以榮王女媵之及寧國來歸榮王女為可敦迴紇號為小寧國公主歷英武威威二可汗及天親可汗出居於外英威一子為天親所殺

三年正月回紇可汗使大臣俱六莫賀達干等入朝奉表起居公主

代宗大曆四年五月冊僕固懷恩小女為崇徽公主視

同第十女下嫁回紇可汗為可敦遣兵部侍郎李涵兼御史大夫持節于回紇冊可敦以繒帛二萬疋遣之

六月丁酉崇徽公主辭赴回紇宰臣已下百寮送至中渭橋

德宗貞元三年八月丁酉回鶻可汗遣首領啜達干多覽將將軍合關達干等來貢方物且請和親帝許以咸安公主嫁之命見于麟德殿且令齋公主畫圖就示可汗以馬價絹五萬還之許互市而去

四年十月戊子回紇寧國公主及使至帝御延喜門觀之禁婦人及車輿觀者時迴紇可汗喜於和親其禮甚恭上言昔為兄弟今為子聳子聳半子也此猶父彼猶子若患西戎子當除之又罵辱吐蕃使者及使宰相等率衆千餘及其妹骨咄祿毗伽公主姨妹迷外骨咄祿公主及職使大首領等妻妾凡五十六婦人來迎可敦凡遣人千餘納聘馬三千匹帝令朔州及太原分留七百匹其宰首領皆至分館鴻臚將作癸巳使見於宣政

殿乙未帝召回紇公主及使者對於麟德殿各有頒賜  
庚子詔以咸安公主出降回紇可汗仍特置官屬視親  
壬寅以殿中監嗣滕王湛然為咸安公主婚禮使  
十一月乙巳加嗣滕王湛然檢校禮部尚書兼御史大  
夫丁未加送咸安公主及冊回紇可汗使關播檢校右  
僕射公主帝第八女也初王師平史朝義北虜微有功  
恃此不脩蕃臣禮至是回紇武義成功可汗始遣使獻  
方物仍求結親并請改紇字為鶻帝與宰相議許之以

公主降焉今使冊可汗為勇猛分相智惠長受天親可

汗冊公主為孝順端正智慧長壽可敦御製詩送之

天親

可汗卒子忠身可汗立忠身卒奉誠可汗立奉誠卒國人立其相是為懷信可汗皆從胡法繼尚公主

憲宗元和八年回鶻遣使伊難珠來請和親

十二年回鶻又遣摩尼僧寺等八人至帝使有司計之  
禮費約五百萬貫時方內有誅討計時度費未遂其請  
以摩尼常為回鶻信奉使宰臣言其不可詔宗正少卿  
李誠使于回鶻太常博士殷侑副之諭其來請之意

穆宗即位初回鶻遣使合達干等來請和親許之

長慶元年五月丙申回鶻都督宰相公主摩尼等五百七十三人入朝迎公主詔於鴻臚寺安置癸亥勅太和公主出降回鶻為可敦宜令中書舍人王起赴鴻臚寺宣示之初回鶻自咸安公主歿後屢歸款請欲繼前好久未之許至元和末其請彌切憲宗以北虜有勲勞於王家又西戎比歲為邊患遂許以女妻之帝即位踰年至是乃封第十妹為太和長公主出降之甲子以左金

吾衛大將軍胡証檢校戶部尚書持節充送公主入回鶻及加冊可汗使光祿寺卿李憲加兼御史中丞充副使太常博士殷侑改殿中侍御史充判官以前曹州刺史李銳為太府卿兼御史大夫持節赴回鶻充婚禮使宗正少卿嗣寧王子鴻兼御史中丞充副使以虞部員外郎陳鴻為判官

六月乙亥加李憲御史大夫戊寅回鶻奏以一萬騎出北庭一萬騎出安西柘吐蕃以迎太和長公主歸國丙

成太和長公主出降回鶻宜特置府其官屬宜准親王府例

七月乙卯正衙冊太和長公主為回鶻可敦辛酉長公主發赴回鶻國帝以半仗御通化門臨送百僚章敬寺前立班儀衛頗盛士女傾城觀焉

十月豐州奏回鶻五百騎至界首以迎公主十一月甲寅振武節度使張惟清奏准詔發兵三千人赴蔚州數內已發一千人訖餘二千人待太和公主出界即發遣

又奏得天德軍轉牒云回鶻七百六十人將馳馬及車  
相次至黃盧泉迎公主豐州刺史李佑奏迎公主回鶻  
三千騎於柳泉下營

二年正月癸卯駙馬都尉鄭何送太和公主至回鶻還  
十月金吾大將軍胡証送太和公主還初公主回鶻牙  
帳尚可信宿可汗遣數百騎來請與公主先從他道去  
胡証曰不可虜使曰前咸安公主來時去花門數百里  
即先去今何獨拒我証曰我奉天子詔送公主以授可

汗今未見可汗豈宜先往虜使乃止既至虜廷乃擇吉日冊公主為回鶻可敦可汗先昇樓東嚮坐設羶幄於樓下以居公主使羣胡主教公主以胡法公主始解唐服而衣胡衣以一嫗侍出樓前西嚮拜可汗坐而視公主再俯拜訖復入羶幄中解前所服而被可敦服通裾大襦皆茜色金飾冠如角前指復出樓前俯拜可汗如初禮虜先設大輿曲宸廡前設小座相者引出公主昇輿回鶻九相分負其輿隨日右轉於廷者九公主乃降

輿昇樓與可汗俱東嚮坐自是臣下朝拜謁并拜可敦  
可敦自有牙帳命二相公出入帳中証等將歸可敦宴  
之帳中留連號啼者竟日可汗因贈漢使以厚貺



冊府元龜卷九百七十九

欽定四庫全書

子部

冊府元龜卷九百八十二

詳校官中書臣賈鉞

侍讀臣孫球覆勘

總校官庶吉士臣何思鈞

校對官中書臣葉蘭

膳錄監生臣馬行宗

欽定四庫全書

冊府元龜卷九百八十

宋 王欽若等 撰

外臣部

通好

夫服遠以德先王之盛猷和戎為利昔賢之嘉論蓋所以屈己含垢繼好息民偃戢兵威道迎善氣自古之所尚矣故易曰古之聰明睿智神武而不殺者蓋言聖人服萬物而不以威刑也自春秋之後司籍所記或列於

盛會或通乎信使申以金幣之錫加之冠帶之寵或褒以爵秩或重其報宴接以殊禮式表乎綏懷待以誠心用期於純固繇是邊鄙不聳師徒不勤荒裔清寧表裏悅穆蓋躋民於仁壽之域而馴致乎太平之業者未始不繇斯也已

魯宣公八年春白狄及晉平

十年晉卻成子求成於衆狄衆狄疾赤狄之役遂伏於

晉

赤狄路氏最强故服役衆狄

秋會於攢函衆狄服也襄公四年無

終子嘉父使孟樂如晉

無終山戎國名樂其衆臣

因魏莊子納虎豹

之皮以請和諸戎

欲戎與晉和莊子魏絳

晉侯曰戎狄無親而貪

不如伐之魏絳曰諸侯親服陳新來和將觀於我我德

則睦否則攜貳勞師於戎而楚伐陳必弗能救是棄陳

也諸華必叛

諸華中國

戎禽獸也獲戎失華無乃不可乎公

曰然則莫若和戎乎對曰和戎有五利焉戎狄薦居貴

貨易士

薦聚也易猶輕也

士可賈焉一也邊鄙不聳民狎其野

穡人成功二也

聳懼狎習也

戎狄事晉四鄰振動諸侯威懷

三也以德綏戎師徒不勤甲兵不頓四也

頓壞也

鑒於后

羿而用德度

以后羿為鑒戒

遠至邇安五也君其圖之公說使

魏絳盟諸戎脩民事田以時

傳言晉使能用善謀

漢文帝時匈奴單于遺漢書云北州以定願寢兵休士

養馬以安邊民使少者得成其長者得安其處故使

郎中係孳淺奉書請皇帝即不欲匈奴近塞則且詔吏

民遠舍

舍居止也

武帝時匈奴謀歸漢使不降者蘇武馬宏等馬宏者則

副光祿大夫王忠使西國為匈奴所遮忠戰死馬宏生  
得亦不肯降故匈奴歸此二人欲以通善意

和帝時南單于於漢北遺寶憲古鼎容五斗其傍銘曰  
仲山甫鼎其萬年子子孫孫永保用憲乃止之

前秦苻堅時匈奴左賢王衛辰遣使降於堅遂請田內  
地堅許之雲中護軍賈雍遣其司馬徐斌率騎襲之因  
縱兵掠奪堅怒曰朕方脩魏絳和戎之術不可以小利  
忘大信昔荆吳之戰事興蠶婦澆瓜之惠梁宋息兵夫

怨不在大事不在小擾邊動衆非國之利也所獲資產其悉以歸之免雍官以白衣領護軍遣使脩和示之信義辰於是入居塞內貢獻相尋

西秦吐谷渾視連既立通聘於乞伏乾歸拜為白蘭王宋高祖西伐長安索虜嗣先取姚興女乃遣十萬騎屯結河北救之大為帝所破於是遣使求和自是使命歲通

齊武帝永明中扶南國王臣僑陳如闍耶跋摩遣使上

啓曰天化撫育感動靈祇四氣調適伏願聖主尊體起居康御皇太子萬福六宮清休諸王妃主內外朝臣普同和睦鄰境士庶萬國歸心五穀豐熟災害不生士清民泰一切安穩臣及人民國土豐樂四氣調和道俗濟濟並蒙陛下光化所被咸荷安泰

後魏太武太平真君五年三月遣使者四輩使西域

太延元年五月遣使者二十輩使西域

二年六月又遣使六輩使西域

西魏文帝大統十六年大軍東討齊師恐蠕蠕乘虛寇掠乃遣帳內都督楊薦往諭和好以安慰之

北齊神武以魏孝靖興和三年五月使使與蠕蠕通和後周太祖西魏大統十一年突厥土門部落稍盛願通中國帝遣酒泉胡安諾槃陁使焉其國皆相慶曰今大國使至我國將興也

武帝建德元年二月遣大將軍昌城公孫深使於突厥隋文帝開皇八年突厥處羅侯死遣長孫晟往弔仍齎

陳國所獻寶器以賜雍閭

十一年三月壬午遣通事舍人若干洽使於吐谷渾

十八年百濟王昌使其長史辯那來獻方物屬興遼東之役遣使奉請為軍導帝不許詔曰往歲為高麗不供職貢無人臣禮故命將討之高元君臣恐懼畏服歸罪朕已赦之不可致伐厚其使而遣之

是年突厥啓民可汗為達頭所攻帝令發兵助啓民伐之啓民上表陳謝曰大隋聖人莫緣可汗憐養百姓如

天無不覆也如地無不載也諸姓蒙威恩赤心歸服並將部落歸投聖人可汗來也或南入長城或往白道人民羊馬徧滿山谷染干譬如枯木重起枝葉枯骨重生皮肉千萬世長與大隋典羊馬也

煬帝大業三年三月遣羽騎尉朱寬使於琉球國

是年啓民可汗上表乞依大國服飾帝下其議公卿請依所奏帝以為不可乃下詔曰先王建國夷夏殊風君子教民不求變俗斷髮文身咸安其性旃裘卉服各尚

所宜因而利之其道弘矣何必化諸削衽縻以長纓豈  
遂性之至理非包荒之遠度衣服不同既辨要荒之叙  
庶類區別彌見天地之情仍璽書答啓民以為磧北未  
靜猶須征戰但使存心孝順何必改變衣服也

唐高祖武德四年定襄王李大恩敗突厥頡利於鴈門  
先是漢陽公蘓瓌太常卿鄭元璫左驍衛大將軍長孫順  
德等各使於突厥頡利並拘之我亦留其使人前後數  
輩至是為大恩所挫於是大懼乃放順德還更請和好

獻魚膠數十斤欲令二國同於此膠帝嘉之放其使者  
特勒熱寒阿史德等還蕃賜以金帛

七年八月壬申頡利可汗遣其從叔畢特勒阿史那思  
摩來朝帝引申御榻頓顙固辭帝謂之曰頡利誠心遣  
特勒朝拜今見特勒如見頡利引之就坐因伏而言可  
汗稱陛下馭中原突厥據漠北各一方何敢相犯但為  
漢人不交構也今見秦王即為要契請子子孫孫永為

蕃附

是月丁酉遣尚書左僕射裴寂使於突厥

八年七月壬戌吐谷渾遣使請和

九年辛巳突厥頡利率十萬餘騎突武功京師戒嚴進  
寇高陵太宗與侍中高士廉中書令房玄齡將軍周範  
馳六騎幸渭水之上與頡利隔津而語責以負約其首  
帥皆下馬羅拜頡利請和詔許焉幸城西刑白馬與頡  
利同盟於便橋之上

太宗貞觀十六年夏四月薛延陀以前擾漢南遣使謝

罪

二十一年十二月乙亥高麗使第二子莫離支高任武朝賀因謝罪帝許納之

高宗儀鳳四年二月吐蕃贊普卒遣使齎璽書往弔之  
玄宗開元元年十二月吐蕃遣其大臣來求和丁酉命有司引吐蕃使宴於三殿

六年春正月辛丑北夷請和乃降璽書曰突厥煞省表具知往者默啜狂逆為人之蠹又詐降遣使於我求婚

我國家不違賞賜無數所在軍鎮為之解嚴遂背信乘  
虛縱凶深犯損我百姓陷我數州從此之後常行賊計  
近者梟戮實謂天誅卿能舉前事之非有降和之請但  
能誠實何慮不依且漢日有呼韓邪是卿族類既率部  
落來慕中華終保寵榮足為前鑒今契丹奚等輸款入  
朝皆封郡王各賜公主放歸所部以息其人卿若能來  
此是成例官榮重功則授財帛賞善斯行此乃國家所  
餘亦是卿之所要若懷姦設變口順心違應朝不朝以

惡繼惡還學默啜自取殘亡想卿解思不至於此也

七年六月吐蕃遣使請和求皇帝親署誓文帝以為昔  
歲和親已有成約而今何乃重請盟書但信必繇衷聿  
尋前化足矣不許大享使因賜其束帛用修前好以雜  
綵二千段賜贊普五百段賜贊普祖母四百段賜贊普  
母二百段賜可敦一百五十段賜坐達延一百三十段  
賜論乞力徐一百段賜尚贊咄及大將軍大首領各有  
差皇后亦以一千段賜贊普五百段賜贊普母二百段

賜可敦

九年二月丙戌突厥遣使來朝獻方物且通和好帝降  
璽書謂曰國家舊與突厥和好之時蕃漢非常快活甲  
兵休息互市交通國家買突厥馬羊突厥將國家綵帛  
彼此豐足皆有便宜自三四十年已來不似舊時法用  
總緣默啜可汗失信遂令使命不通一口稱和一心即  
背每將兵馬常抄邊軍天嗔地知人怨神怒身被誅滅  
豈不繇茲今可汗承破亡之遺餘驗違負之得失禍福

斯在吉凶可見計合早相依附如何久事遲迴仍襲甘涼復行抄劫初聞為惡不能無怪賴自遣使至此通和國家如海之容如天之覆不念既往之過以納將來之誠可汗若實好心求為和好計彼此百姓各得自安斟酌一生更亦何慮若言無准定意有翻覆還似往日可汗又違今時明信不煩更差使命徒令再遣往來至於邊疆之任侵掠自當更擬宜審思之

十年五月戊午突厥遣大首領阿史德瞰泥熟來和授

右驍衛大將軍員外置放還蕃

十二年五月新羅賀正使金武勲還蕃帝降書謂新羅王金興光曰卿再承正朔朝貢闕庭言念所懷深可嘉尚又得所進雜物等並踰越滄波跋涉草莽物既精麗深表卿心今賜卿錦袍金帶及綵素共二千疋以答來獻至宜領之

二十一年正月命工部尚書李暉使於吐蕃制曰繼好之義雖屬邊鄙受命以出必在親賢事欲重於當時禮

故崇於殊俗選衆之譽無出宗英工部尚書李嵩體合  
柔嘉識致明允為公族之領袖是朝廷之羽儀今金城  
公主既在蕃中漢廷公卿非無專對有懷於遠夫豈能  
忘宜持節充入蕃使所司准式發遣以國信物一萬疋  
私覲二千疋皆雜以五綵遣之

二十三年三月命內使竇元禮使於吐蕃使悉諾勃藏  
還蕃命通事舍人楊紹賢往赤嶺以宣慰焉

二十四年八月甲寅突厥騎施遣大首領胡祿達干來

求和許之宴於內殿授左金吾將軍員外置賜錦衣一副帛及綵一百疋放還蕃

二十六年八月命中官魏泰使於突厥騎施降書謂突厥騎施可汗曰朕與可汗結為父子恩義所感骨肉何殊可汗乃信彼小子自生疑阻前後使往非不具論自爾已來當所迷也使至省表以變其節過而能改善莫大焉既効忠誠深可嘉尚朕本意相待如初父子之間更敦前好凡為君須守信義不信則身危若外飾甘言

內藏姦計未能有損終必自傷想可汗通明固不至於此巧言似實深宜察也若忠信不易更復何憂千秋萬歲俱享多福故令中使專達少信悉朕意焉

肅宗上元元年正月吐蕃遣其大臣論吐蕃彌來請和且請與吐谷渾復脩隣好

元年建寅月甲辰吐蕃遣使來朝請和勅宰相郭子儀蕭華裴遵慶等於中書宴設

代宗寶應四年二月兼御史大夫李之芳使於吐蕃兼

御史中丞崔倫為之副通舊好也

永泰元年正月以四鎮行營節度使馬璘為南道和蕃使

三月吐蕃請和遣宰相元載杜鴻漸等於興唐寺與之盟而罷

三年三月命大理少卿楊濟兼御史中丞使於吐蕃脩舊好也

九月楊濟自吐蕃使還吐蕃遣其首領論位藏等百餘

人隨濟來朝謝申好也

十月乙酉引吐蕃使見於宣政殿丙申命宰相宴吐蕃使論位藏於中書

天曆二年二月遣檢校戶部尚書兼御史大夫薛景西使於吐蕃脩舊好也

三年七月命左散騎常侍蕭昕兼御史大夫持節充弔祭回紇可敦使

德宗以大曆十四年五月即位八月命太常少卿韋倫

持節使吐蕃統蕃俘五百人歸之

建中元年四月太常少卿韋倫至自吐蕃自大厯中吐蕃聘使前後數輩皆留之不遣俘獲其人必遣中官部統徙之江嶺因緣求財及給養之費不勝其弊去年冬吐蕃大興師以三道來侵一自靈武一自山南一自蜀約蹤齊舉會帝初即位以德綏四方徵其俘囚五百餘人各給衣一襲使倫統還其國與之約和勅邊將無得侵伐吐蕃始聞歸其人不之信及蕃俘入境部落皆畏

威懷惠其贊普乞立贊謂倫曰不知是來也而有三恨  
奈何倫曰未達所云乞立贊曰不知大國之喪而弔不  
及哀一也不知山陵之期而賻不成禮二也不知皇帝  
舅聖明繼立已發衆軍三道連衡今靈武之師聞命輒  
回矣而山南之師已入扶文蜀師已趨灌口追且不及  
是三恨也及發使奉贄不二旬而復命蜀帥上所獲戎  
俘有司請准舊事頒為徒隸帝曰要約著矣言庸二乎  
乃各給縑二疋衣二襲而歸之

五月以韋倫為太常卿復使吐蕃十二月倫至自吐蕃  
與其宰相欽論明思等五十五人皆至獻其方物初吐  
蕃見倫再至甚歡既就館聲樂以娛之留九日而旋兼  
遣其渠帥報命倫一歲再往復絕域戎夷奉教無此之  
速者也

二年二月以萬年令崔漢衡為殿中少監持節使西戎  
初吐蕃遣使求沙門之善講者至是遣僧良琇文素二  
人行二歲一更之

十二月入蕃使判官監察御史常魯與吐蕃使論悉諾羅等至自蕃中初魯與其使崔漢衡至列館贊普令止之先命取國信勅書既而使謂漢衡曰來勅云所貢獻物普領訖今賜外甥少信物至領取我大蕃與唐舅甥國耳何得以臣禮見處又所欲定界雲州之西請以賀蘭山為界其盟約請依景龍二年勅書云唐使到彼外甥先與盟誓蕃使到此阿舅亦親與盟乃邀漢衡遣使奏定魯使還奏帝為改勅書以貢獻為進以賜為寄以

領取為領之且謂曰前相楊炎不循故事致此悞耳其定  
界盟約並從之

三年九月和蕃使殿中少監兼御史中丞崔漢衡與吐  
蕃使區頰贊至自蕃中時吐蕃大相尚結息忍而好殺  
以嘗覆敗於劍南思刷其恥不肯約和其次相尚結贊  
有材畧因言於贊普請定界明約以息邊人贊普然之  
竟以結贊代結息為大相約終和好期以十月十五日  
會盟於境上

四年二月以鴻臚卿崔漢衡兼御史大夫持節答蕃使  
送區頰贊等歸蕃

六月答蕃使判官監察御史于頔與吐蕃使論頰沒藏  
等至自青海

興元元年二月以御史大夫于頔為右散騎常侍尋加  
兼御史大夫往涇州已來宣慰吐蕃仍與州府計會頔  
適時吐蕃款塞請以兵助平國難故遣使焉

八月甲子以右武衛將軍周皓為太僕卿兼御史大夫

宣慰迴紇使

貞元二年二月辛未以水部員外郎趙聿為倉部郎中  
兼侍御史入吐蕃使

九月丁未詔遣左監門將軍康成使於吐蕃初吐蕃大  
相尚結贊累遣使請盟會定界乃命成使之至上砦原  
與結贊相見結贊令其使論乞陀與成同來甲寅以  
左千牛大將軍裴謂為吏部侍郎充入蕃使俄以吐蕃  
退遂不行其年冬吐蕃入寇陷鹽夏二州詔加河東節

度使馬燧綏鞍麟勝招討使燧乃將兵次石州時吐蕃  
深入人馬疾疫渠帥論頰熱因退貞元三年正月燧引  
軍還太原

三年二月以前太子右諭德崔澣為檢校左庶子兼御  
史中丞充入吐蕃使

三月丁酉以左庶子李銛充入吐蕃使

五年七月以殿中監嗣滕王湛然為太子賓客迴鶻使  
如故

六年春迴鶻忠貞可汗為其弟所殺而篡立國人殺篡者立忠貞之子為可汗乃遣達比特勒梅錄將軍告忠貞可汗之哀於我且請冊新君也

十三年二月劔南西川節度使韋臯奏南詔前年於嵩州築得城一所今請據舊境歸還已受領訖

十九年五月吐蕃使論頰熱等至其年以右龍武將軍薛伍兼御史大夫使於吐蕃

二十年五月以祕書監史館修撰張薦為工部侍郎兼

御史大夫依前史館修撰持節弔贈吐蕃以左金吾衛將軍薛徑為檢校工部尚書兼右金吾將軍兼御史大夫持節和吐蕃

憲宗永貞元年十一月以通王府長史孫果為鴻臚少卿兼御史中丞持節充冊立回紇使其月以衛尉少卿侯幼平兼御史中丞充入吐蕃告冊立等使

元和四年正月命中官元文政往渤海充弔祭冊立使七月吐蕃遣使來和好

五年五月吐蕃遣使論思頰熱來朝并歸鄭叔矩路泌之柩及叔矩男武延等一十三人叔矩會盟使崔漢衡之從事泌渾瑊之從事貞元初吐蕃背盟所陷凡二十餘年竟不屈節因歿於蕃中至是請和故歸其柩

六月宰相與吐蕃使語中書令廳蕃使拜階下宰相階還半禮

七月以陝州大都督府左司馬兼通事舍人李銛為鴻臚少卿攝御史中丞持節充入吐蕃使仍賜紫金魚袋

太子中舍人吳暈為丹王府長史兼侍御史為之副

七年正月癸未以鴻臚卿張茂宣充入回鶻使通事舍人張賈副焉

二月吐蕃東道節度論誥都宰相尚綺心兒以書遺鳳翔節度使李惟蘭惟蘭奏獻之

三月命宰相於中書與吐蕃使議事

七月以京兆府功曹李洎為殿中侍御史充入新羅副使

八年正月命內侍李重旻充渤海冊立宣慰使

十一月黔中奏昆明夷請歸其先侵牂牁之地

十一年二月授渤海使國信以歸

五月命中使二人送回鶻使歸國

十一月以宗正卿李誠兼御史中丞充入回鶻使

十二年四月吐蕃以贊普卒來告己未以右衛將軍烏重玘兼御史中丞充弔贈吐蕃贊普使

五月癸亥以右補闕段均為殿中侍御史充弔贈吐蕃

使

十三年三月渤海國遣使李繼常等二十六人來朝

十月鳳翔節度使鄭餘慶奏吐蕃遣使脩好

穆宗元和十五年即位八月乙亥命宰臣召吐蕃使於中書議事十月命高品竇千乘使於吐蕃

十月庚午朔以太子中允張賈為太府少卿攝御史中丞持節充入吐蕃答請和好使庚辰命宰臣留吐蕃使於中書議事以郟王府長史邵同為太府少卿兼御史

中丞持節入吐蕃充答請和好使

十二月以左散騎常侍崔元畧充黨項宣撫使丁丑改命太子中允李寮兼侍御史充黨項宣撫副使

長慶元年十二月豐州刺史李祐奏先入回鶻使裴通高品袁有直并回鶻六十四人到鷓鴣泉

二年二月癸酉吐蕃遣使十五人來請定界甲戌召對於麟德殿賜有差

八月鳳翔送落蕃人宇文律等一百八十人詔付京兆

府詳勘尋令親族識認任其歸還

十月辛酉以太子僕杜載為太僕少卿兼御史中丞持節充答吐蕃謝會盟禮畢使仍賜服金紫

敬宗初即位雞林人前右監門衛率府兵曹參軍金雲卿進狀請充入本國宣慰副使從之

寶曆元年三月以前蘄州刺史于人文為司門郎中攝御史中丞持節入迴鶻充弔祭冊立使仍賜紫金魚袋以右贊善大夫裴常守本官兼侍御史為之副

四月以前江南西道觀察推官試大理評事陳璟夫守河南府雒陽縣丞兼監察御史充入迴鶻弔祭冊立使判官仍賜緋魚袋

十月以岳王傅成杭為右庶子兼御史中丞充入吐蕃答賀正使仍賜紫金魚袋以太常博士劉幼復為殿中侍御史為之副仍賜緋魚袋以前萬年縣丞韓澥為大理丞兼殿中侍御史入吐蕃答賀正使判官仍賜緋魚

袋

二年二月鳳翔節度使進到落蕃回鶻四人勅旨令付鴻臚寺待有還蕃使即放歸國

十月靈武節度使奏收得吐蕃石金山等四人詔委本道節度使差人送付本界遊奕吐蕃取領聞奏仍優賞發遣

文宗太和二年十二月以前棣州刺史唐弘實為莒王傅兼御史大夫持節充入吐蕃答賀正使

三年十二月庚寅西川監軍判官張士謙奏南蠻宣尉

回得蠻人事物金盞銀水瓶等並進首領王堯巔狀一封云被杜元穎欺擾蕃界又云南蠻續自羌專使奏事乙亥郭釗又奏蒙堯巔差使送書信共四角以聞又奏追還三百餘里

五年五月劔南西川節度使李德裕奏南蠻放還先虜掠百姓工巧僧道約四十人到本道

十一月入吐蕃使宗正少卿李從易至蕃中

六年十一月以少府少監田早守本官兼御史中丞持

節充入吐蕃答賀正使仍賜紫金魚袋

七年夏四月九姓回鶻可汗薨以左驍衛將軍皇城留守唐弘實為右金吾衛將軍兼御史大夫持節充入回鶻弔祭冊立使

八年春正月庚申鳳翔節度使李聽進吐蕃贊普賀正表函

九年五月辛酉入朝迴紇進太和公主所獻馬射女子七人沙陁小兒二人

十一月以宗正少卿李從簡守本官兼御史中丞持節  
充入吐蕃答賀正使仍賜紫金魚袋

開成元年十二月以太子少詹事李景儒兼御史中丞  
充入吐蕃答賀正使

二年十一月天德奏吐蕃東北道元帥論夷加羌使信  
物乃木夾到本道以其書信上聞

三年秋七月新羅王金祐徵遺淄青節度使奴婢帝矜  
以遠人詔令却歸本國

四年三月以太子詹事李景儒為入吐蕃使

武宗會昌二年十一月吐蕃贊普卒遣使論普熱入朝  
告哀遣將作少監李景入蕃弔祭

三年八月黠夏斯遣使諦德伊斯難珠來朝九月與黠  
夏斯勅書曰皇帝敬聞黠夏斯可汗將軍諦德伊斯難  
珠至覽書并白馬二疋具悉可汗降精斗極雄朔漠以  
為君稟耀旄頭分天街而建國特負英豪之氣夙推驍  
馭之才眷想嘉猷載深寤歎來書云溫仲令將軍歸國

後漢使不來溫忤合去日朕書具云速遣報章此當遣  
重臣冊命自是可汗未諭此意報答稍遲來信又云  
道路隔絕蓋為山川悠遠未得與可汗封壤接連非是  
兩國之情猶有阻隔想可汗明識無復致疑又云兩地  
致書彼此不會且書不可以盡言言不可以盡意況蕃  
漢文字傳譯不同祇在共推赤心永保盟好豈必緣飾  
詞語以此交歡想每欲思惟先相好意不更疑惑便是  
明誠又云欲除兩楹間惡刺如此之事最為嘉言緣迴

鶻據雄北方為一代君長諸蕃臣伏百有餘年今可汗掃  
除穹居大雪讐恥功業既高於前古威聲已振于北荒  
固當深務遠圖豈可更留餘孽黑車子不度德量力敢  
保寇讐則是侮可汗獨力向化此而可忍孰不可容況  
可汗前來訪送公主云上天入地必須覓得今若捨而  
不問何以取信朕懷想可汗乘彼盛秋長驅精騎問回  
鶻逋逃之罪行黑車子後服之誅取若拾遺役無再舉  
從茲盪定豈不美歟來書又云送公主到彼無一語來

緣公主纜離可汗五日便被回紇劫奪所遣來使盡被  
殺傷公主二年之中流離沙漠事已隔遠所以不再叙  
言然趙蕃去日已具感悅之心足表殷勤之意又聞今  
秋欲移往回紇牙帳滅其大國便保舊居足使諸蕃威  
畏迴鶻絕望稍近漢境頗謂良圖所云請發遣兵馬期  
集公處緣黑車子猶去漢界一千餘里在沙漠之中從  
前漢兵未嘗到彼比聞回鶻深意嘗欲投竄安西待至  
今秋朕當令幽州太原振武天德緣邊四鎮要路出兵

料可汗攻討之時迴紇必當潛遁各令邀截便可梟擒  
此是軍期須如符契想可汗必全大信用叶一心諦德  
伊斯難珠朕已於前殿面對兼賜宴樂並依來表更不  
滯留朕續遣重臣便申冊命故先達此旨令彼國明知  
冊命之禮並依迴紇故事可汗爰始立國臨長諸蕃須  
示隣壤情深宗盟義重以此鎮撫誰敢不從宜體至懷  
共宏遠畧春暖想可汗休泰將相以下並存問之黠夏  
斯者亦名紇吃斯本前代堅昆國在回紇西北自稱李陵

之後初破回紇國之時得太和公主以天家貴種又與國同姓令達干十人送公主至塞上中路為烏介可汗所得盡殺黠戛斯使人乃質公主同行及黠戛斯上表問公主所在及所遣使者十人帝顧問宰臣議者奏以黠戛斯是回紇深讐今烏介可汗尚須與通和令自將兵馬求殺使者罪人兼討黑車子容納可汗之罪帝心未決以回紇故事自平祿山之後歲賜絹三萬疋以為定制又黠戛斯有可汗之名慮不脩臣禮宰臣又奏云今

黠夏斯與回紇故事不同未有大功安敢邀利如肯同回  
紇稱臣即加冊命不爾便停無傷國體兼許為宗盟可  
以尊卑諭之令展子孫之禮帝意乃定故降此書

僖宗乾符二年南蠻騎信遣使乞盟許之

梁太祖乾化元年鄜州以回紇可汗所與書來上制以  
左監門衛上將軍楊沼為右驍衛上將軍押領迴紇等  
還蕃又河中奏迴紇宣慰諭使楊沼押領二蕃酋長一  
百二十人歸本國

後唐武皇天祐四年契丹阿保機大寇雲中武皇遣使  
連和因與之面會於雲州東城大具享禮延入帳中約  
為兄弟謂之曰唐室為賊所篡吾欲今冬大舉弟可以  
精騎二萬同收汴碓保機許之賜予甚厚留馬三千匹  
以答貺左右咸勸武皇可乘間虜之武皇曰逆賊未殄  
不可失信於夷狄自亡之道也乃盡禮遣之

莊宗同光初滄州奏偵間契丹國舅撒刺宴送羊馬於  
幽州申和好

二年八月幽州進契丹國舅撒剌宴書

三年七月丁巳靈武奏恩賜迴紇王勅書降已送甘州  
四年正月幽州李紹斌奏契丹阿保機與臣貂裘一生  
吐蕃谷渾杜每兒爰生李紹威遣梅老茹真貢馬

明宗初篡嗣遣供奉官姚坤空函告哀至契丹西樓屬  
阿保機在渤海又徑至慎州崎嶇萬里既至謁見保機  
延入穹廬保機身長九尺被錦袍大帶垂後與妻對榻  
引見坤坤未致命保機先問曰聞爾漢江河南河北各

有一天子信乎坤曰河南天子今年四月一日雒城軍  
變今凶問至矣河北總管令公比為魏州軍亂先帝詔  
令除討既聞內難衆軍離心及京城無主上下堅冊令  
公請主社稷今已順人望登帝位矣保機曰漢國兒與  
我雖父子亦曾彼此讐掣俱有惡心與爾今天子彼此  
無惡足得歡好爾先復命我續將馬二萬騎至幽鎮已  
來與爾家天子面為盟約我要幽州令漢兒把捉更不  
復侵汝漢界天成初阿保機死其母令次子德光權主

牙帳明年德光遣其使梅老等三千餘人來脩好又遣使為父求碑石帝許之賜予甚厚并賜其母纓絡錦綵自是山北安靜蕃漢不相侵擾

天成元年九月幽州趙德均奏先羌軍將陳繼威使契丹部內今使還得狀稱今年七月二十日至渤海界扶餘府契丹族帳在府城東南隅繼威既至求見不通竊問漢兒言契丹主阿保機已得疾其月二十七日阿保機身死八月三日隨阿保機靈柩發離扶餘城十三日

至烏州契丹主妻始受却當府所持書信二十七日至  
龍州契丹主妻令繼威歸本道仍遣撩括梅老押馬三  
匹充答信同來繼威見契丹部族商量來年正月葬阿  
保機於木葉山下兼差近位阿思沒骨餒持信與先入  
蕃天使供奉官姚坤同來赴闕告哀兼聞契丹部內取  
此月十九日一齊舉哀朝廷及當府前後所差人使繼  
威來時見處分候到西樓日即並放歸

十月辛丑契丹告哀使沒骨餒見言契丹國主阿保機

今年七月二十七日薨勅曰朕以近續皇圖恭脩帝道  
務安夷夏貴洽雍熙契丹王世豫歡盟禮交聘問遽聞  
凶訃倍軫悲懷可輟今月十九日朝參

二年四月奏黎州狀雲南使趙和於大渡河南起舍一  
間留信物十五籠并雜牋詩一卷遞至闕下初郭崇韜  
平蜀之後得王衍昔獲蠻俘數十以天子命令殿直李  
楷持國信賜其國王并歸其俘囚楷入其部為止於界  
上惟國信與蠻俘得往月餘乏食而還續有轉牒稱督

爽大長和國宰相布燮等上大唐皇帝舅奏疏一封自  
鶴枯發遞歷機美白崖爽等又入弄梗演習白鷓鴣郡  
繕喬爽等又入平夷新安寧遠標莎差人轉送黎州其  
紙厚硬若皮筆力道健有書詔體後有督爽陟酋忍爽  
王寶督爽彌勤忍爽董德義督爽長坦綽爽楊布爽等  
所署有綵牋一軸轉韻詩三章章三韻共十聯有類擊  
筑詞時有思本朝姻親之意理亦不遜其褚中之物即  
却返其國信舊封猶存復命左衛上將軍烏昭遇等再

往使焉至西川知李楷又不能進遂迴

十一月契丹使梅老等三十餘人見傳本主願和好之意帝謂侍臣曰俱保邊鄙以安疲民朕豈辭降志耶彼既求和足得懷柔矣

三年正月己酉契丹主阿保機妻差使送前振武副使劉在金到行闕賜在金錢帛銀器金帶鋪陳陳擅褥甚厚長興元年五月青州奏所與高乞國勅書鈿函已付本國知後宮

七月振武張方進呈納契苾木書二封

二年五月癸亥青州上言有百姓過海北樵採附得東丹王堂兄京尹汚整書問慕華行止欲修貢也

閏五月青州進呈東丹國首領耶律羽之書二封

七月乙未兗州奏密州淮口准勅放過往來商客一千八十八人

十二月丙辰幽州奏契丹乞通和好

三年正月庚子契丹遣使拽骨等來朝

五月己亥契丹朝貢使迭羅卿辭歸蕃迭羅卿來求歸  
前刺帝初欲遣之大臣爭之未決會幽州趙德均狀奏  
及楊檀皆言其不可遣帝意方解仍曰鮮卑脩好朕意  
在息邊悉所共求但不遣敵即有詞其前骨舍利朕欲  
放還冀不全阻其請執政不敢復爭乃遣從北使歸蕃  
十一月乙巳雲州節度使張敬達奏探得契丹主在黑  
榆林南撩刺泊率蕃族三百帳見製造攻城之具云蕃  
界無草欲借漢界水草詔親直指揮使張萬全供奉官

周務謙齋書國信雜綵五百疋銀器二百兩往賜契丹  
主

四年五月丙戌契丹國使述骨卿三十四人入朝

其年契丹耶律德光以兄東丹王突欲在闕下其母繼  
發使申款朝廷亦優容之賜突欲姓李氏名贊華出鎮  
滑州以莊宗夫人夏氏嫁之

愍帝應順元年正月乙亥契丹遣都督沒辣干來朝獻  
馬四百駝十羊二千先是遣供奉官西方璟入契丹復

命故有是獻

末帝清泰三年八月戊午契丹遣使梅里來朝

其年契丹遣使銀折梅里入朝

晉高祖即位於晉陽改號天福元年車駕將入雒閏十一月甲戌契丹主舉酒言於帝曰余遠來赴義大事已成皇帝頃赴京都今已令大相溫勒兵相送至於河梁要過河者即多少任意余亦且在此州俟京雒已定便當北轅執手相泣久不能別脫白貂裘以衣帝贈馬二

十匹戰馬一千二百匹仍誡曰子子孫孫各無相忘焉  
二年二月契丹太子解里舍利梅老等到闕見

四月契丹宮苑使李可與到闕見

三年八月戊寅以左僕射劉昫為契丹冊禮使左散騎  
常侍韋勳為副使給事中盧重冊契丹太后使贈賜帛  
器皿有差

九月庚申契丹使跌跌廷信押按各馬往雒京般取後  
唐公主丙寅趙延壽進馬二匹謝恩放燕國長公主歸

幽州

十一月契丹遣梅里齋書到闕賀范延光歸明其月戊寅契丹命使以寶冊上帝徽號曰英武明義左右金吾六軍儀仗兵部法物太常鼓吹殿中省傘扇等並出城迎引至崇元殿前陳列帝受徽號畢御殿受百官賀四年十月契丹使近臣崔廷勳領兵交戍於雲丘之北帝遣中官李威以吳赴上酌遣而勞之十一月戊子契丹遣遙折來使因聘吳越

五年四月甲子契丹使興化王來聘

十一月契丹使舍利來聘致馬百匹及玉鞍狐裘等其  
年迴紇可汗仁美遣使貢良馬白玉謝冊命也

六年四月己未契丹使述括來聘

七月壬戌涇州奏西涼府留後李文謙今年二月四日  
閉宅門自焚遣元入西涼府譯語官楊行實與來人齎  
三部族蕃書進之

八月蕃通事康王六自契丹迴復遣使焉

六年九月遣供奉官李延業以時果送於契丹

十一月契丹遣使楊通事與供奉官李仁廓同到闕見  
七年春正月庚午契丹遣使達刺已下三十六人來聘  
三月乙卯朔契丹通事高模翰來聘

閏三月遣殿直馬延理內班王延斌送櫻桃於契丹

六月辛酉契丹遣達刺于來聘癸亥遣殿直張延杲使  
於契丹

少帝以天福七年六月乙丑即位八月宣喚契丹王母

使舍利共一十二人宴於崇德殿

八年漢高祖時為太原節度使奏以太原往例每年差人押送葡萄往契丹今年伏候勅旨有詔罷之高祖曰此土產常物廢而不行必啓戎心以生怨也

周太祖廣順元年二月丁未左千牛衛將軍朱憲使於契丹復命契丹主充欲復遣使裹骨支伴送朱憲歸京師又賀我登極兼獻良馬一駟仍達蕃情云兩地通歡近因晉祖議和好之理為遠大之謀

五月己巳遣左金吾將軍姚漢英右神武將軍華光裔使於契丹辭各賜襲衣銀帶絹綵三百疋銀器五十兩契丹入朝使大御賜重錦五疋衣著三百疋銀器百兩別賜衣著五十疋馬價衣著一百五十疋副使賜有差曳刺五人各賜中錦一疋衣著五十疋仍遣供奉官李誦押援兵防送至樂壽

八月契丹遣幽州教練使曹繼筠護送宰相趙瑩喪柩至其家先是開運末虜陷京城瑩與馮玉李彥韜俱遷

於北塞未幾卒至是方歸喪柩

二年正月涇州史光懿言回紇可汗遣悉里來等四人到州迎接進奉回使

十月沙州僧興齋表辭回紇阻隔回紇世世以中國主為舅朝廷亦以甥呼之沙州陷蕃後有張氏世為州將後唐同光中長史曹義金者遣使朝貢靈武韓洙保薦之乃授沙州刺史充歸義軍節度使瓜沙等州處置使其後久無貢奉至是遣僧辭其事

其月淮南送高麗使陳參等到闕見勅有司賜酒食衣服

冊府元龜卷九百八十